



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-3618/12  
Sarajevo, 30.1.2013. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 30.01.2013

Organizaciona jedinica	Klasifikaciona oznaka	Redni broj	Broj priloga
01-50-1-15		37	13

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 37. sjednici održanoj 30.1.2013. godine, utvrdilo je Odgovor na zastupničko pitanje koje je postavio Mladen Ivanković Lijanović, zastupnik u Zastupničkom domu Parlamentarne skupštine Bosne i Hercegovine.

U pritvku prosljeđujemo Odgovor radi njegovog dostavljanja zastupniku.

S poštovanjem,



**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-3618/12  
Sarajevo, 30.1.2013. godine

Mladen Ivanković Lijanović, zastupnik u Zastupničkom domu Parlamentarne skupštine Bosne i Hercegovine, na 37. sjednici Zastupničkog doma održanoj 05.12.2012. godine postavio je sljedeće zastupničko pitanje:

„ 1. U kojoj je fazi formiranje pregovaračkih timova za EU na nivou BiH, te koja će institucija vršiti imenovanje pregovarača?“

Na postavljeno pitanje, Vijeće ministara Bosne i Hercegovine je na ~~37.~~ sjednici održanoj 30. 1. 2013. godine, utvrdilo sljedeći

**ODGOVOR**

Bosna i Hercegovina je potencijalni kandidat za članstvo u Europskoj uniji i još nije podnijela zahtjev za članstvo. Nakon podnošenja zahtjeva za članstvo, institucije Europske unije će pokrenuti potrebne procedure u kojima će se razmatrati budući zahtjev BiH za članstvo. Ukoliko mišljenje Europske komisije bude pozitivno, BiH će biti dodijeljen kandidatski status. Nakon što bude dodijeljen kandidatski status donosi se odluka o otvaranju pristupnih pregovora EU sa državom u pitanju.

Uslovi koje je potrebno da BiH ispuni da bi podnijela kredibilan zahtjev za članstvo su određeni u Mapi puta za zahtjev za članstvo Bosne i Hercegovine u Europskoj uniji koja je usuglašena na prvom sastanku Dijaloga na visokoj razini o procesu pristupanja koji je održan u Briselu 27.06.2012. godine. Takođe, Vijeće EU je u zaključcima od 11.12.2012. godine ponovilo da provođenje presude *Sejdić i Finci protiv BiH* i zadovoljavajuća provedba obaveza definiranih u Sporazumu o stabilizaciji i pridruživanju / Privremenom sporazumu predstavljaju ključne elemente za kredibilnost zahtjeva BiH za članstvo u EU. Dodatno ovome, Vijeće je naglasilo potrebu da se uspostavi efektivan mehanizam koordinacije poslova u BiH u vezi sa procesom europskih integracija.

Pitanje formiranja pregovaračkog tima i imenovanja pregovarača će biti riješeno kroz uspostavljanje mehanizma koordinacije koja je jedna od obaveza definisanih navedenom Mapom puta, a koju obavezu je ponovilo i Vijeće EU u svojim zaključcima. Radi realizacije ove obaveze Vijeće ministara Bosne i Hercegovine je na 23. sjednici održanoj 16.10.2012. godine donijelo Odluku o imenovanju Tima za izradu dokumenta Koordinacijskog mehanizma u procesu europskih integracija (u prilogu odgovora dostavljamo Obavijest o zaključcima Vijeća ministara BiH, broj: 05-07-1-2927-1/12 od 16.10.2012. godine). Tim za izradu dokumenta Koordinacijskog mehanizma je dosad održao tri sastanka koji treba da rezultiraju izradom pravnog akta koji će urediti pitanje koordinacije procesa europskih integracija BiH i predvidjeti, *inter alia*, način formiranja i strukture potrebne za vođenje

pristupnih pregovora sa EU, kao i imenovanje lica koje će obavljati odgovarajuće aktivnosti u vezi sa vođenjem pristupnih pregovora.

Definisanje i uspostavljanje efikasnog mehanizma koordinacije procesa evropskih integracija, a samim tim i određivanja sastava, imenovanja i načina funkcionisanja pregovaračkih struktura je zahtjevna aktivnost. Aktivnosti Tima za izradu dokumenta Koordinacijskog mehanizma u procesu evropskih integracija će se nastaviti u budućnosti.



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-07-1-2927-1/12  
 Sarajevo, 16.10.2012. godine

**DIREKCIJA ZA EVROPSKE INTEGRACIJE**

**SARAJEVO**

**PREDMET:** Obavijest o zaključcima Vijeća ministara BiH

-02/16.10.12.

*ll*

**BOSNA I HERCEGOVINA**  
**DIREKCIJA ZA EVROPSKE-EUROPSKE INTEGRACIJE**  
**SARAJEVO**

Organizaciona jedinica	Subvencionarna linija	Redni broj	Broj prijave
02	06	449-22	

PRIMLJENIK 16. 10. 12.

Vijeće ministara Bosne i Hercegovine, na 23. sjednici održanoj 16.10.2012. godine, razmotrilo je i usvojilo Informaciju o nalazima i preporukama sadržanim u Izvještaju o napretku Bosne i Hercegovine za 2012. godinu i dokumentu Strategija proširenja i ključni izazovi 2012.-2013., te s tim u vezi donijelo sljedeće zaključke:

- zadužuju se ministarstva i druga tijela uprave da razmotre Izvještaj Evropske komisije o napretku Bosne i Hercegovine za 2012. godinu i dokument Strategija proširenja i ključni izazovi 2012.-2013. godine;

- zadužuju se ministarstva i druga tijela uprave da u svoje planove rada za 2013. godinu unesu aktivnosti kojima će se prevazići nedostaci navedeni u Izvještaju o napretku Bosne i Hercegovine za 2012. godinu i dokumentu Strategija proširenja i ključni izazovi 2012.-2013. godine.

Također, Vijeće ministara je donijelo Odluku o imenovanju Tima za izradu dokumenta Koordinacijskog mehanizma u procesu evropskih integracija u sastavu:

1. Saša Marić iz Ureda predsjedavajućeg Vijeća ministara – voditelj Tima;
2. Boško Kenjić iz Ministarstva vanjske trgovine i ekonomskih odnosa – član;
3. Amer Kapetanović iz Ministarstva vanjskih poslova – član;
4. Darija Ramljak iz Direkcije za evropske integracije – član;
5. Dva člana iz Federacije BiH koje će imenovati Vlada Federacije BiH;
6. Dva člana iz Republike Srpske koje će imenovati Vlada Republike Srpske;
7. Jedan član iz Brčko Distrikta BiH kojeg će imenovati Vlada Brčko Distrikta BiH;
8. Jedan član iz Kantona, kojeg imenuje koordinacija Kantona;

Zadužen je Generalni tajnik Vijeća ministara da upozna vlade entiteta, Vladu Brčko Distrikta BiH i kantonalne vlade o sadržaju odluke radi imenovanja njihovih predstavnika u Tim.

Također je zaključeno da se obaveže Tim da, što prije, a najkasnije do 30.10.2012. godine Vijeću ministara dostavi usaglašen, precizan i efikasan Dokument mehanizma koordinacije u procesu evropskih integracija.

O zaključcima vas informiramo radi njihove provedbe.

S poštovanjem,

**GENERALNI TAJNIK**  
 Zvonimir Kutleša